



Inuusuttut inersimasullu innarluutillit atuartinneqarnissaannut, ilinnia-gaqalernissaannut suliffeqarnissaannullu kommunit inatsisit atuuttut naapertorlugit sunik pisussaaffeqarnerannik Naalakkersuisut erseqqissaassuteqaqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Agathe Fontain, Inuit Ataqatigiit)

Demokraatini pingaartipparput kialluunniit inuiaqatigiinnit ajattorneqannginnissaa aamma kikkut tamarmik pisinnaatitaaffeqarnissaat periarfissaqartitaanissaallu. Taamaattumik una siunnersuut nuannaraarput innarluutillit atuartinneqarnissaannut, ilinniagaqalernissaannut suliffeqarnissaannullu kommunit inatsisit atuuttut naapertorlugit sunik pisussaaffeqarnerannik Naalakkersuisut erseqqissaassuteqaqqullugit Inatsisartut aalajangiiffigisassaattut siunnersuutaammat.

Isumaqarpugut innuttaasut tamarmik nammineq inuunertik akisussaaffigisariaqaraat pisinnaasullu inuiaqatigiinnut napatitseqataassasut. Innarluutillit aamma taamatut periarfissaqassapput inatsimmi allaaserineqartutut ilinniarnissaminnut kingornalu piginnaasatik pisinnaasatillu naapertorlugit sulillutik. Uangut isumarput naapertorlugu pingaarnerpaavoq piginnaasat isiginissaat sapikkat pinnagit. Soorunami aamma innarluutillit sulisinnaapput.

Tamaattumik isumaqarpugut inissaminiittoq, Naalakkersuisut kommuninut erseqqissassappassuk innarluutilinnut qanoq akisussaaffeqarnerisut.

Aamma nuannaarutigaarput Naalakkersuisut KANUKOKA suleqatigalugu, kommunini innarluutilinnik sullissinerup pinissaa nalilersulernikummassuk. Soorunami tamanna pissaaq kommunit artukkernagit. Suliakkiineq pissaaq paasiuminartumik eqqarsaatigilluakkamillu, innarluutillit atugaat ajorneruleqqunagit.

Aamma nuannaarutigaagut Naalakkersuisut immikkoortumi suliniutaat peqataatillugit angajoqqaat peqatigiiffiat INOOQAT aamma IPIS suleqatigalugu iliuusissanik pilersaarusiortarnissamut pisariaqartinneqaqisumut pikkorissaassalernissaq nuannarutigaarput.

Demokraatini kissaatigaarput innarluutillit pillugit ilisimasanik Naalakkersuisut siuarsaanissaat takutillugit innarluutillit sulisut, sullivinnut suli amerlanerusut innarluutilinnik ullup ilaannaani sulisussanik imaluunniit aamma pisariunngitsunik suliaqartartussanik atorfinitsitsinissamut periarfissaqartoq takutinniarlugu.

Taamatut oqaaseqarluta Demokraatini siunnersuut Inatsisartut Ilaqutariissutsimut Peqqinissamullu Ataatsimiititaliaanut ingerlateqqipparput.